



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VI. Quandonam vetitæ translationes, quandonam verò permissæ. Hilarus Hermetem non removet ab Ecclesia Narbonensi, sed adimit illi potestatem ordinani Episcopos suæ provinciæ. Continuatur comparatio ...

urn:nbn:de:hbz:466:1-15617

Galliarum Metropolitani, in causa nimurum Hermetis Episcopi Biterrensis, qui ad Ecclesiam Narbonensem transfierat post obitum Rustici, non repugnante, ut video, Leontio. De quo negotio ante quam plura dicam, necessarium mihi videtur referre locum ex hac tertia Hilari ad Leontium epistola; ex qua colligere possumus, cum in ea tantum agatur de invasione Ecclesiae Narbonensis, non dubitasse Summum Pontificem quin prima provincia Narbonensis ad curam pertineret Arelatensis antistitis. Nam haec sunt omnino verba ejus: *Miramus fraternalitatem tuam ita legis catholicae immemorem esse ut que iniqua & contra patrum nostrorum statuta in provincia que ad monarchiam tuam pertinet, si ipse aut non vis aut non potes, etiam nec nos silentij tui taciturnitate permittas corrigere.* Ex quo interim loco discimus invidiosum non esse nomen monarchiae in vetusto codice M S. monasterij Iurensis, cuius fragmentum retulit Chiffletius in sua Vesontione his verbis: *si quidem antedictus Hilarius venerabilem Celidonum supradictam metropolis Patriarcham patritio prefecituroque fultus favore, indebitam sibi per Gallias vindicans monarchiam, à sede episcopalí nulla existente ratione dejecerat.* Nam & posterioribus temporibus monarchiae vocabulum usurpabant, cum significare volebant singularem unius Episcopi diocesim.

I V. Hunc ego Hermetem, cuius causa heic agitur, Rustici Episcopi Narbonensis Archidiaconum fuisse puto, à quo Biterrensis haud dubiè ordinatus fuerat Episcopus. Haud ita multò pòst Rusticus obierat, Hermes verò, qui se à Biterrensis exclusum ac susceptum non fuisse querebatur, ad Narbonensem Ecclesiam transit, consensu, ut ego existimo, clericorum populi, Episcoporum provincialium, & ipsius etiam Leontij Arelatensis, eaque translatio sine controversia tenebat. Sed quia nihil adeo concordibus animis agi inter homines potest quod non aliquos habeat contradicentes, Frithericus quidam vir magnificus, at laicus, misso Romanum Ioanne Diacono, Hermetis ordinacionem in Narbonensi Ecclesia turbare studuit, ea videlicet de causa quod contra canones ab Ecclesia sua transfuerat ad majorem. Faustus verò & Auxanius Episcopi Gallicani Romanum eadem de causa profecti sunt ad accusandum Hermetem. His auditis Hilarius, latuus fortassis quod occasionem haberet reddendi Leontio sua verba, eum ob istam causam redarguit, jubetque ut relationem de ea re ad se mittat sua ac ceterorum Gallicorum Episcoporum subscriptione firmatam; *ut quid definire possimus, inquit, recurrenti pagina possitis agnoscere.* Tum in epistola

generali ad provincias missa, multa prolocutus de atrocitate istius facinoris, demum in hæc verba erumpit: *Quibus enim, sicut etiam vos probatis, factum constat exemplis, & quan non objurgatione dignissimum est quod sanctorum patrum decretis & ipsis repugnat canonum constitutis?* Ait ergo, Hermeti, quem ecclesiastica quietis contemplatione non removet à sede Narbonensi, ordinandorum Episcoporum potestatem ademptam esse in Concilio Romano, & ad Constantium Viceticensem, qui aëvo honoris Primas erat, esse delatam; ita tamen ut Hermene deficiente, faciendum mos antistitum Narbonensi mox reddatur Ecclesiae; quem non civitas sed causa præsumptionis amisit.

V. Causam Hermetis integrum retuli, ut ostenderem intra quatuor & quadraginta annos variè se in eadem facti specie gessisse Bonifacium & Hilaram Romanos Pontifices. Nam cum anno C D X I X. Perigenes Episcopus Patrensis, sed qui à Patrensis non esset suscepitus, ordinatus fuisset Ecclesiae Corinthiensis Episcopus, eamque translationem, tanquam canonibus adversam, non tolerarent quidam Episcopi Illyriciani, re ad Bonifacium Papam delata, Bonifacij decreto confirmata est post iudicium Ruffi Episcopi Thessalonicensis, cuius studiis attollebatur Perigenes. Immo Bonifacius ad divinam providentiam retulit quod à Patrensis suscepitus non fuisset Perigenes, ut in Ecclesia illa Episcopus esse posset in qua suam à cunabulis transfigisset etatem, & in ordinatoris locum succederet. Sic enim de illo scribit ad Rufum Bonifacius: *Quis renuit*

Apud Holsten. in
Collect. Rom.
pg. 51.

*judicij fuisse divini ideo hunc à Patrensis in tempore non esse receptum, & dñs super premissa Ecclesia magna deliberatione suspensum, ut hujus ovilis pastor fieret in cuius caulis suam à cunabulis transfigisset etatem? Iudicia Dei, abyssus multa, quod congrue aptamus exemplum. Et nemo crederet quod in ordinatoris aliquando locum subrogari posset, quia fuerat * ab aliis ordinatus. Non ambigo cœlestis tunc istud fuisse sententie natura. &c. Postremò eis minatur excommunicationem qui populos Achaiae excitare dicebantur adversus Perigenem: In eos neceſſe est vi- gorem censure, qui contra nostrum post hec nef- cientibus nostris incitare dicuntur populos, si per- filterint, execramus. Itaque valuit translatio*

Vide supra cap. 14.
14. f. 14. 15.

* Legendum, quia
fuerat alia erat
natura.

Perigenis, ceu supra diximus. Hæc Bonifa- cius in gratiam Perigenis.

VI. Hilarius verò Hermetem diverso con- filio studens opprimere, primò negat ali- quod exemplum esse quo causa ejus adjuvari posset, nesciens haud dubiè quod aëvo præde- cessoris sui Bonifacij contigerat in Achaia. Tum ait translationem ilam repugnare pa-

Concl. Anct.
can. 17.
Concl. Antioch.
can. 16, 18,

Vide supra cap.
11. 3. 4.

trum decretis & canonum constitutis. In quo distingendum est. Constat enim translationes in universum veritas esse. At si quis Episcopus ordinatus sit, non tamen receptus à populo cui præpositus est, hunc in alia civitate Episcopum fieri posse constat, modo accedit confensus Episcorum comprovincialium. Et Bonifacius nihil hec objecerat Perigeni, immo, ut diximus, ad divinum beneficium retulerat contumaciam Patrem. Quod si verbis Bonifacij adversus Hilarum uti licet, dicere possemus judicij fuisse divini Hermetem à Biterrensis in tempore non esse suscepsum, & diu super præmissa Ecclesia magna deliberatione suspensum, ut hujus ovulis pastor fieret in cuius caulis suam à cunabulis transfigisset ætatem, id est, Narbonensis, cuius Archidiaconus fuerat, in ordinariisque sui locum aliquando subrogari posset, qui fuerat Biterrensis ordinatus. Denique Hilarus, tamenetsi Hermetem non removeat ab Ecclesia Narbonensi, adiimit illi potestatem ordinandi Episcopos primæ Narbonensis, quæ ad illum pertinebat secundum canones; diversus nimurum à Bonifacio, qui Perigenem confirmaverat in possessione omnium iurium Ecclesiarum Corinthiensis, ut colligitur ex epistola Sixti III. ad Episcopos in synodo apud Thessalonicanos congregandos. Is enim cum præfatus esset de conservandis iuribus singulorum Episcorum Illyrici, in fine comminatur Perigeni adempturum se illi potestatem provinciae, si, ut coepérat, Anastasij Thessalonicensis Episcopi, cui Sextus commiserat vices suas per Illyricum, imperium detrectaret. Noverit, inquit, Corinthius Episcopus sibi licentiam potestatis libere minimè tribuendam, si huic voluerit Ecclesie resistere quam sibi noverit profaisse.

VII. Castigato Hermete, Hilarus statim transit ad Leontium, cui vices suas delegat pro congregatione Conciliorum generalium Diocesenos Gallicanæ, valde prudenti consilio usus. Videbat enim frustra fuisse decreta decessoris sui Leonis, qui edixerat ut suis unaquaque provincia Conciliis contenta esset, néne ultrâ Hilarius Arelatensis Episcopus synodos generales auderet indicere. Frustra, inquam. Etenim post epistolam Leonis diversarum provinciarum Episcopi converterant ad ordinationem Ravennij; & Ravennius cupiens componere perturbatum Lirinensis insulae statum, epistolam generalis scriperat ad Episcopos Gallicanos, quae eos evocabat ad Concilium in civitate Arelatensi celebrandum, cui interfuerunt Episcopi diversarum provinciarum. Videns itaque ista Hilarus, ac sciens præterea Arela-

tenses Episcopos privilegium illud congregandarum synodorum ad se traxisse in consequiam mandatorum Patroclo datorum à Papa Zozimo, maluit id deinceps usurpari quasi per delegationem sedis apostolicae, quam ab Arelatensi Episcopo tentari propria auctoritate. Nam licet ille omnium prius eam auctoritatem Arelatensi Ecclesie dedisse reperiatur, non tamen existimandus est ei dedisse initium, quandoquidem diu ante pontificatum ejus Hilarius & Ravennius absque delegatione speciali Romani Pontificis congregaverant synodos generales ex provinciis Gallicanis. Ergo cum durum videatur Hilario ista fieri etiam invita fede apostolica, optimum factu judicavit si constitutionem ea de re publicam emitteret; ut cum deinceps ad Arelatensis Episcopi arbitrium synodus intra Gallias congregaretur, inteligerent omnes istud fieri ex delegatione sedis apostolicae, non propria istius auctoritate. In epistola itaque generali ad Episcopos Gallicanos scripta, quæ Edicti speciem præfert, ita loquitur: *Per annos itaque singulos, ex provinciis quibus potuerit congregari, habetur episcopale Concilium, ita ut opportuniis locis atque temporibus secundum dispositionem fratris & coepiscopi nostri Leontij, cui sollicitudinem in congregandis fratribus delegavimus, Metropolitanis per literas ejus admonitis celebretur; ut si quid usquam vel in ordinandis Episcopis, vel Presbyteris, aut cuiuslibet loci Clericis faciendis, contra precepta apostolica reperitur admissum, aut in eorum conversatione quippiam reprobatur, communis omnium auctoritate refectetur.* Ideo autem dixit Hilarius, ex provinciis quibus potuerit congregari, quia providebat dissipationem Galliarum earundemque in diversa regna sectionem obstitutas communicationes Episcoporum inter se. Iam enim Franci, Gothi, Burgundiones majorem Galliarum partem ab Imperio Romano distraxerant; qui fortassis ægrè laturi erant Episcopos provinciarum suarum finibus educi, ut Arelatem se conferrent urbem Romani Imperatoris imperio subjectam, ubi miscere consilia poterant adversus novum Galliarum statum.

VIII. Integrum vero causarum judicium relinquit Hilarius istiusmodi synodo, sic tamen ut si quæpiam causa incidat quæ ob suu gravitatem provinciali nequeat examine definiri, relatio mittatur ad sedem apostolicam. *In dirimendis sanè gravioribus causis, inquit, & que illic non potuerint terminari, apostolice sedis sententia consulatur.* Constituta autem ista fuerunt ad exemplum mandatorum quæ Thessalonicensibus Episcopis data fuerant à sede apostolica, quemadmodum suprà monimus in capite xxix, cum de Zozimi rescriptis